

জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদ্‌যাপন জাতীয় বাস্তবায়ন কমিটির কার্যালয়
আন্তর্জাতিক মাতৃভাষা ইনস্টিটিউট (৫ম তলা)
শহীদ ক্যাপ্টেন মনসুর আলী সরগি
১/ক সেগুনবাগিচা, ঢাকা-১০০০

সংবাদ বিজ্ঞপ্তি:

বঙ্গবন্ধুর জন্মশতবার্ষিকীতে গড়ে উঠছে বঙ্গবন্ধুকে নিয়ে সমৃদ্ধ আর্কাইভ

ঢাকা, ২৪ অক্টোবর, ২০১৯:

জাতির পিতা বঙ্গবন্ধু শেখ মুজিবুর রহমানের রাজপথের সংগ্রাম, দীর্ঘ কারাবাসসহ দেশ গড়ার কাজে তাঁর নেতৃত্ব দানের নানা দিক সম্বন্ধে জানতে আগ্রহী নতুন প্রজন্ম। তাই দেশে-বিদেশে বঙ্গবন্ধুর জীবন ও কর্মভিত্তিক ভিডিও ফুটেজ, পত্রপত্রিকার সংবাদের ক্লিপিংসহ ডিজিটাল তথ্যসমূহ এক জায়গায় সংরক্ষিত করা প্রয়োজন। জাতীয়ভাবে আর্কাইভ গড়ে তোলার মাধ্যমে জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী ও মুজিববর্ষ উদযাপনের আয়োজনে জাতি দেশের স্বাধীনতার স্থপতিকে আন্তরিক কৃতজ্ঞতা জানাতে চায়।

জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদ্‌যাপন জাতীয় বাস্তবায়ন কমিটির প্রধান সমন্বয়ক ড. কামাল আবদুল নাসের চৌধুরী আজ কমিটির কার্যালয় আন্তর্জাতিক মাতৃভাষা ইনস্টিটিউটে বঙ্গবন্ধুর উপর আর্কাইভ স্থাপন সংক্রান্ত এক সভায় সভাপতির বক্তব্যে এ কথা বলেন।

বাংলাদেশ ফিল্ম আর্কাইভ, প্রেস ইনস্টিটিউট বাংলাদেশ, চলচ্চিত্র ও প্রকাশনা অধিদপ্তর, আর্কাইভস ও গ্রন্থাগার অধিদপ্তর, বাংলাদেশ টেলিভিশনসহ বেসরকারি টেলিভিশন চ্যানেলে বঙ্গবন্ধুর ভাষণ, কর্মকান্ডভিত্তিক যত ভিডিও ফুটেজ আছে, তা এটুআই প্রকল্পের সহায়তায় নিজস্ব আর্কাইভ গড়ে তোলার পাশাপাশি জাতীয়ভাবে সংরক্ষণের প্রয়োজনে আর্কাইভস ও গ্রন্থাগার অধিদপ্তরের বঙ্গবন্ধু কর্নারের আর্কাইভে সংরক্ষণ করা হবে বলে সিদ্ধান্ত নেওয়া হয়। বঙ্গবন্ধু আর্কাইভের পুরো বিষয়টি সমন্বয় করবে আর্কাইভস ও গ্রন্থাগার অধিদপ্তর।

এই সভায় বিশেষ অতিথি হিসেবে উপস্থিত ছিলেন আন্তর্জাতিক মাতৃভাষা ইনস্টিটিউটের মহাপরিচালক জনাব জীনাৎ ইমতিয়াজ আলী। এটুআই-এর সহায়তায় ইনস্টিটিউট কার্যালয়ে ১২ ফুট ৮ ফুট মাপের ইন্টারঅ্যাকটিভ কিওস্কসহ ভিডিও ওয়াল স্থাপন করা হবে বলে তিনি জানান। একই রকমের ভিডিও ওয়ালসহ ডিজিটাল ক্যানভাস জাতীয় জাদুঘরসহ নির্দিষ্ট কিছু প্রতিষ্ঠানেও গড়ে তোলা হবে।

বঙ্গবন্ধুর জীবন ও আদর্শকে ভারচুয়াল রিয়েলিটি ও হলোগ্রাফের মাধ্যমে নতুন প্রজন্মের কাছে আরও ভালভাবে তুলে ধরার লক্ষ্যে তথ্য ও যোগাযোগ প্রযুক্তি বিভাগ ইতোমধ্যে পরিকল্পনা গ্রহণ করেছে। এই পরিকল্পনার সহযোগিতা নিয়ে আর্কাইভে একই সুবিধা রাখার সিদ্ধান্ত বাস্তবায়নে কার্যক্রম জোরদার করার কথা বলা হয়।

সভায় আরও উপস্থিত ছিলেন বাংলাদেশ ফিল্ম আর্কাইভের মহাপরিচালক জনাব বিধান চন্দ্র কর্মকার, আর্কাইভস ও গ্রন্থাগার অধিদপ্তরের মহাপরিচালক জনাব ফরিদ আহমেদ ভূঁইয়া, জাতীয় কবিতা পরিষদের সাধারণ সম্পাদক ও দেশ টিভির পরিচালক জনাব তারিক সুজাত, সংস্কৃতি বিষয়ক মন্ত্রণালয়ের অতিরিক্ত সচিব জনাব মো. নিজাম উদ্দিনসহ বাংলাদেশ ফিল্ম আর্কাইভ, এটুআই প্রকল্প, আর্কাইভস ও গ্রন্থাগার অধিদপ্তর ও জাতীয় বাস্তবায়ন কমিটির উর্ধ্বতন কর্মকর্তাবৃন্দ।

সংবাদটি প্রকাশ/প্রচারের প্রয়োজনীয় ব্যবস্থা গ্রহণের অনুরোধ করছি।

নাসরীন জাহান লিপি
চিফ অফ মিডিয়া সেল
জাতির পিতা বঙ্গবন্ধু শেখ মুজিবুর রহমানের
জন্মশতবার্ষিকী উদ্‌যাপন জাতীয় বাস্তবায়ন কমিটি
ফোন: ০১৫৫২-৪১৪২২১
ইমেইল: mujib100mediacell@gmail.com

বিতরণ:

১. সিনিয়র উপপ্রধান তথ্য অফিসার (প্রেস), তথ্য অধিদফতর, বাংলাদেশ সচিবালয়, ঢাকা।
২. ডিডিজি (নিউজ), বাংলাদেশ টেলিভিশন, টেলিভিশন ভবন, রামপুরা, ঢাকা।
৩. বার্তা সম্পাদক/ এসাইনমেন্ট এডিটর/ প্রধান চিত্রগ্রাহক, বাংলাদেশ টেলিভিশন, টেলিভিশন ভবন, রামপুরা, ঢাকা।
৪. প্রধান প্রতিবেদক, বাসস/ ইউএনবি/ বিডি নিউজ২৪ ডটকম/ নিউজ২৪ডটকম/ বাংলা নিউজ ২৪ডটকম।
৫. পরিচালক বার্তা, বাংলাদেশ বেতার, ঢাকা (দৃ.আ.- উইটি অফিসার/ ওবি শাখা)।
৬. এ্যাসাইনমেন্ট এডিটর,
বিটিভি/এটিএনবাংলা/চ্যানেল আই/ ইটিভি/ বাংলাভিশন/ আরটিটি/ বৈশাখী টিভি/ দেশটিভি/ ডিবিসি/ দীপ্তটিভি/ মাইটিভি/
গাজীটিভি/ সময়টিভি/ চ্যানেল নাইন/ চ্যানেল ১৬/ মোহনা টিভি/ এটিএননিউজ/ একান্তর টিভি/ সময় টিভি/ চ্যানেল ২৪/ জিটিভি/
এশিয়ান টিভি/ মাছরাঙ্গা টিভি/ ইনডিপেনডেন্ট টিভি/ যমুনা টিভি/ নিউজ ২৪/ এসএ টিভি/ বিজয় টিভি/ যমুনা টিভি/ এনটিভি/ বাংলা
ভিশন/ নাগরিক টিভি/ বাংলা টিভি/ মাই টিভি/ আনন্দ টিভি।
৭. এসাইনমেন্ট এডিটর, রেডিও টুডে/ রেডিও ফ্রুটি/ এবিসি রেডিও।
৮. বার্তা সম্পাদক/ চিফ রিপোর্টার সকল দৈনিক পত্রিকা।